



PROPOSTA DE RESOLUCIÓN DE APROBACIÓN DO PROCEDEMENTO DE MODIFICACIÓN DAS ESTRATEGIAS DE DESENVOLVEMENTO LOCAL PARTICIPATIVO (EDLP)

A Dirección Xeral de Desenvolvemento Pesqueiro, de conformidade coas competencias que lle son atribuídas polo artigo 9 do *Decreto 168/2015, do 13 de novembro, polo que se aproba a estrutura orgánica da Consellería do Mar*, modificado polo Decreto 39/2018, do 5 de abril e, ao abeiro da autorización que lle outorga a Disposición derradeira primeira da *Orde do 6 de abril de 2015 pola que se fai pública a convocatoria de selección de candidatos a grupos de acción local do sector pesqueiro para a elaboración de estrategias de desenvolvimento local participativo no período de programación do Fondo Europeo Marítimo e de Pesca (FEMP) 2014-2020 en Galicia* para ditar cantos actos sexan necesarios para o desenvolvemento e execución do disposto nesta orde e, en virtude dos convenios de colaboración asinados pola Consellería do Mar cos distintos GALP para a aplicación da EDLP no marco do desenvolvemento sostible das zonas de pesca do FEMP 2014-2020, **propón** a aprobación do procedemento para a modificación das EDLPs dos grupos de acción local do sector pesqueiro:

As solicitudes de modificación das EDLP que se presenten serán acumuladas e, en consecuencia, serán obxecto de análise e valoración con carácter semestral.

O procedemento para a aprobación das modificáons das estratexias de desenvolvemento local participativo, previa elaboración e aprobación polo órgano competente do GALP en cada caso e, unha vez presentada a correspondente solicitude de modificación da EDLP, asinada polo representante legal do grupo, no rexistro telemático a través do formulario normalizado dispoñible na sede electrónica da Xunta de Galicia (<https://sede.xunta.gal>), sería o seguinte:

A) FASE DE INSTRUCCIÓN:

A.1) Unha vez recibida a devandita solicitude polo órgano instrutor, en concreto o Servizo de Desenvolvemento das Zonas de Pesca, este deberá comprobar que a solicitude de modificación presentada cumpre cos requisitos xerais de toda solicitude establecidos no artigo 66 da *Lei 39/2015, de 1 de outubro, do Procedemento Administrativo Común das*



Administracións Públicas (representación do solicitante, concreción da solicitude, firma...) e, en concreto, que a solicitude se formula tras o correspondente consenso entre os diferentes sectores que forman parte do grupo, que se garantiu a participación social, que foi obxecto dun previo debate e contradición dentro do propio GALP, que a decisión da súa presentación foi adoptada polo órgano competente e segundo as normas de funcionamento previstas nos seus Estatutos (convocatoria con antelación suficiente, quórum de constitución e votación, ...).

Noméase instrutor do procedemento dentro do servizo indicado a persoa que ocupe o posto da xefatura de Sección dos Grupos de Acción Costeira.

A documentación que se deberá xuntar á solicitude de modificación da EDLP é a que a continuación se relaciona:

- . Certificado do órgano competente no que se especifique o acordo polo que se autorizou ao representante do grupo para formular a solicitude.
- . Memoria xustificativa da modificación da EDLP que recollerá:
 - a) Diagnóstico da situación actual en relación coa situación existente no momento de redacción da estratexia orixinaria.
 - b) Xustificación de modificación da estratexia.
 - c) Proposta de modificación que sexa acorde co carácter integrador e multisectorial que debe ter toda EDLP.
 - d) Resultados esperados da modificación proposta.
 - e) Accións de comunicación previstas para a difusión dos cambios que se pretendan introducir na EDLP.
 - f) A esta memoria incorporaranse os seguintes elementos:
 - . Ferramentas de seguimento deseñadas e utilizadas para a supervisión da orixinaria EDLP a través das que se detectou a necesidade da modificación solicitada.
 - . Informes da xerencia sobre a marcha da estratexia para a toma en consideración da Xunta Directiva e Asemblea.
 - . Resumo das actas das reunións presidencia/xerencia para o seguimiento da posta en marcha e execución da EDLP nas que se tratasen asuntos relativos á modificación proposta.



- Informes presentados pola xerencia ante os órganos sociais do GALP relacionados co desenvolvemento da EDLP.
- Propostas de socios, mesas de traballo, órganos sociais ... nas que se advertise a necesidade da modificación o das que xurda esta iniciativa.
- Documentación acreditativa do debate e contradición da modificación proposta polos distintos sectores sociais que forman parte do grupo (a través de mesas sectoriais, reunións...).

A.2) Se a solicitude non reúne os requisitos indicados ou ben non acompaña a documentación relativa ás cuestiós indicadas no parágrafo anterior, o devandito Servizo efectuará o correspondente requirimiento de subsanación ou achega da documentación necesaria, tal e como dispón o artigo 68 da Lei 39/2015 para que no prazo de 10 días o GALP subsane esta falta; se así non o fixese se lle terá por desistido da súa solicitude.

A.3) Informe da persoa instrutora conclusivo desta primeira fase.

B) FASE DE ANÁLISE E VALORACIÓN:

A selección do comité para a análise e valoración das solicitudes de modificación que se presenten, farase por resolución previa da persoa titular da Consellería do Mar e deberá respectar, en todo caso, a composición establecida no artigo 12.1 da Orde do 6 de abril de 2015.

Unha vez seleccionado o comité, para o seu funcionamento será necesaria a previa convocatoria dos seus membros, na que se deberá incluír a orde do día, cunha antelación mínima de corenta e oito horas a través da súa dirección electrónica institucional, ao seren todos os membros do comité de selección cargos ou empregados públicos, segundo o establecido nos artigos 19 e 20 da *Lei 16/2010, do 17 de decembro, de organización e funcionamento da Administración xeral e do sector público autonómico de Galicia*, que lle son de aplicación como órgano colegiado.



A principal función deste comité consiste en valorar e analizar polo miúdo as propostas de modificacións das EDLPs que, en calquera caso, deberán respectar os criterios de selección aprobados por *resolución de 24 de novembro de 2015 da Dirección Xeral de Desenvolvemento Pesqueiro pola que se establecen os criterios de selección das estratexias de desenvolvemento local participativas (EDLP) presentadas polas asociacións candidatas seleccionadas a grupos de acción local do sector pesqueiro no marco do Fondo Europeo Marítimo e de Pesca (FEMP) 2014-2020*, así como as condicións establecidas na resolución da Conselleira do Mar de aprobación da estratexia de cada GALP.

Nesta análise e valoración verificarase o cumprimento das condicións e requisitos esixidos para toda EDLP, a motivación da solicitude de modificación, requisito establecido na cláusula relativa á modificación da EDLP nos distintos convenios de colaboración.

B.1) Este comité poderá requirir, a través do órgano instrutor, toda a información e documentación necesaria para a correcta análise e valoración de modificación da EDLP.

B.2) No suposto de que se efectúe o requerimiento indicado na letra B.1) anterior, o GALP terá un prazo máximo de dez días naturais desde a súa recepción para o seu cumprimento, tal e como establece o artigo 12 da Orde do 6 de abril de 2015.

B.3) En caso de ser necesario, efectuarase un diálogo co GALP solicitante que poderá dar lugar a modificaciones, melloras ou correccións necesarias das solicitudes iniciais.

B.4) Tras a análise e valoración indicadas, o comité de selección redactará a proposta de resolución e a elevará, a través do servizo de desenvolvemento de zonas de pesca, á persoa titular da Consellería do Mar, no prazo de dous meses a contar dende que estea completa e sexa suficiente a información e documentación necesarias para a tramitación da solicitude de modificación.

C) **FASE DE RESOLUCIÓN:** Correspónnelle á persoa titular da Consellería do Mar a aprobación ou autorización de cada unha das modificacións da EDLP, a modo de resolución do



procedemento iniciado coa solicitude de modificación presentada polo GALP de que se trate contra a que se poderá interpoñer recurso de reposición, segundo o establecido na *Lei 39/2015, do 1 de outubro, do Procedemento Administrativo Común das Administracións Públicas.*

O prazo para ditar esta resolución e proceder á súa notificación é de 15 días contados a partir do seguinte ao de elevación da proposta de resolución por parte do comité de selección, a través do órgano instrutor, de conformidade co disposto no artigo 14.2 da Orde do 6 de abril de 2015.

O prazo máximo total para resolver e notificar a resolución do procedemento será dun máximo de catro meses, a contar dende que a solicitude de modificación estea completa, isto é, axustada aos requisitos esixidos para a súa formulación e coa documentación necesaria tras o oportuno requirimento de subsanación, de ser necesario e, en caso contrario, dende o acordo de acumulación das solicitudes.

Polo exposto, PROPOÑO a aprobación do procedemento de modificación das EDLP anteriormente exposto e a súa remisión á persoa titular da Consellería do Mar para a súa resolución.

Santiago de Compostela, 22 de xaneiro de 2019

A directora xeral de Desenvolvemento Pesqueiro

Susana Rodríguez Carballo

